

## Prelecziun d'Asa S. Hendry – ina scribenta cun ragischs tuatschinas

da Norbert Berther

Ils 2 da december 2018 ha *Asa S. Hendry* prelegiu ord siu cudisch «Sin lautget»\* ella sala Cristalla dalla halla da sport e cultura Dulezi a Sedrun. *Pascal Gamboni* ha accumpignau l'occasion cun differentas canzuns bein adattadas al tema dalla prelecziun. Organisau quei inscunter han il Forum cultural Tujetsch ed il Museum la Truaisch. Il parsura, André Schmid, sa solidar ver 50 personas. El presenta cuortamein l'atura dil raquent numnau: Ella ei naschida igl onn 1999 e carschida si a Vella. Ella ei ina feglia da Remo Hendry da Sedrun ed ha gest fatg la matura alla scola cantunala a Cuera. Ensemen cun *Flurin Albin* ha ella publicau 2015 il cudisch «Emailio». In onn suenter ha ella gudignau il Premi Term Bel a caschun dils dis da litteratura a Domat ed uonn puspei il medem. Quest onn ha ella ediu il cudisch «Sin lautget».

Avon entgin temps ha ella midau siu prenum «Stina» ad Asa S. Ella hagi fatg quei, damai ch'ella vesevi sesezza ni sco femna ni sco um. Entras siu num «Stina» seigi ella sesentida restrenschida e la midada tier Asa S. hagi giu tier ella in effect fetg positiv. La persuna principala dil raquent ei la giuvnetta

**Il cudisch han ins saviu cumprar  
cun la signatura dalla scribenta.**

Emma, dalla quala ins endriescha da fatgs biografics. divertiments, da sex e da drogas, Temas nunusitai ella litteratura sursilvana e buca adina levs da capir! Malgrad quei han plirs presents cumprau il cudisch cun la signatura dalla scribenta.

Alla fin dalla prelecziun dat André Schmid aunc in'orientaziun davart las activitads dil Forum cultural da Tujetsch dad uonn e da l'auter onn. Ina gronda sfida ei la realisaziun digl archiv cultural e dil niev local da cristallas. In comite da finanziaziun vegn a semetter alla lavur. Lu envida el ils presents ad in puschegn, dil qual igl ei vegn fatg stedi diever.

\* Asa S. Hendry- Sin lautget. Raquent. Cuera, Chasa editura rumantscha, 2018.- 128 p. (25 frs.)

